

Ա. Աղամյան

ՎԱՎԵՐԱԳՐԵՐ ՌՈՒՍ-ՀԱՅ ԲԱՐԵԿԱՄԱԿԱՆ ՀԱՐԱԲԵՐՈՒԹՅՈՒՆՆԵՐԻ
ՊԱՏՄՈՒԹՅՈՒՆՆԻՑ (1809—1811 թթ.)

Հայկական ՍՍՌ Պետական Մատենադարանի Կաթողիկոսական դիվանի և Անհատական արխիվների ֆոնդերում մեզ հաջողվեց հայտնաբերել երեք վավերագիր, որոնք արժեքավոր տեղեկություններ են պարունակում 1809—1811 թվականներին Բաղկաններում տեղի ունեցող ռուս-թյուրքական պատերազմի մասին:

11—12-րդ և հետագա դարերում, ինչպես հայտնի է, սելջուկների, մոնղոլների և թյուրքերի արշավանքների պատճառով Անիից և Հայաստանի այլ վայրերից բազմաթիվ հայեր գաղթեցին Բաղկանները և բնակություն հաստատեցին Ռումինիայի ու Բուլղարիայի քաղաքներում: Տեղի բնակչությունը սիրով ընդունեց և հյուրընկալեց գաղթական հայերին: Հայերը Բաղկաններում պարապում էին երկրագործությամբ, արհեստագործությամբ և վաճառականությամբ:

1809—1811 թվականներին, Բաղկանյան պատերազմի ժամանակ, զգալի թվով հայեր կային՝ Ռուսչուկում, Ենչում, Շումլայում, Պոթիչանում, Թոնովայում և այլ վայրերում: Բաղկանները Թյուրքիայի կողմից բռնազրավիկուց հետո ինչպես բնիկ ժողովուրդները, այնպես էլ հայերը հարկային ծանր լծի տակ դրվեցին: Սահմանվեց հետաձուլած տնտեսական ուժի, որը խիստ արգելակում էր այդ ժողովուրդների տնտեսության և կուլտուրայի զարգացումը: Բացի այդ, թյուրքական բռնապետությունը ազգային և կրոնական հալածանք սկսեց այդ ժողովուրդների նկատմամբ: Բուլղար, ռումին, մոլդավ, հայ և այլ ժողովուրդներն ատելությամբ էին լցված դեպի թյուրքական բռնապետությունը և մաքառում էին նրա դեմ՝ իրենց ազատության համար: Նրանք իրենց ազատությունը ձեռք բերելու համար լի վիճակի չէին միայն իրենց ուժերով տապալելու Բաղկանյան ժողովուրդների ուսին դրած օսմանյան բռնապետության լուծը: Այդ լուծը տապալելու համար նրանք միշտ դիմել են ռուս ազատարար մեծ ժողովրդի օգնությանը:

Երբ սկսվեց Բաղկանյան պատերազմը, տեղի ժողովուրդը, ինչպես և հայերը, ամեն միջոցներով օգնեցին ռուսական բանակին՝ թյուրքական լուծը տապալելու համար: Թյուրքիայի դեմ պայքարելու և Ռուսաստանի հովանավորության տակ անցնելու Բաղկանյան ժողովուրդների տրամադրություններն արտահայտող մի շարք անձնավորություններ են եղել: Նրանցից մենք ցանկանում ենք հիշատակել սույն վավերագրերի հետ կապված Մանուկ-բեյի և Գրիգոր Հովսեփյանի (Ջափարյան) մասին:

Հիշյալ անձնավորություններից ուշագրավ է Մանուկ-բեյը:

Մանուկ-բեյը ծնվել է 1763 թվականին Մուլղավիայի Ռուսչուկ քաղաքում և իր մանկությունն ու պատանեկությունն անց է կացրել թյուր-

քական բռնապետութեան տակ: Նա ծառայութեան մեջ է մտել թյուրքական զինվորական գրասենյակում և վերջը բարձրացել Ռուսչուկ քաղաքի վառոգապետի աստիճանին և մեծ վստահություն է ձեռք բերել Օսմանյան արքունիքում: Սակայն ականատես լինելով Բալկանների ժողովուրդներին, այդ թվում և հայերին, Օսմանյան պետութեան կողմից հասցրած տառապանքներին, նրա մեջ միտք է հղանում՝ օգնելու ուսական կառավարութեանը՝ միացնելու Բալկանները Ռուսաստանին: Նա 1805—1811 թվականների Բալկանյան պատերազմի շրջանում գաղտնի հարաբերութեանների մեջ է մտնում ուսական կառավարութեան հետ և բոլոր միջոցներով օգնում ուսական բանակին, նրա հրամանատարութեանը:

1809 թվականին Դանուբի ճակատի ուսական զորքերի գլխավոր հրամանատար է նշանակվում Պ. Ի. Բազրատիոնը, որը մի քանի փայլուն հաղթանակներ է տանում թյուրքական բանակի դեմ: Այդ կոնֆլիկտում ուսական բանակին տեղական հայերի միջոցով մեծ օգնություն է ցույց տալիս Մանուկ-բեյը: Այդ տեսակետից ուշագրավ է 1810 թվականի մարտի 12-ին գեներալ Պ. Ի. Բազրատիոնի Մանուկ-բեյին տված վկայագիրը այն մասին, որ Մանուկ-բեյը Դանուբի երկրամասին վերաբերող շատ կարևոր տեղեկություններ է հաղորդել ուսական բանակի գլխավոր հրամանատարութեանը և մեծ ծառայություններ մատուցել բանակին՝ Դանուբում տեղի ունեցող ուս-թյուրքական պատերազմի ժամանակ: Ահա Բազրատիոնի Մանուկ-բեյին տված վկայագիրը.

«Մանուկ Պեյ՝ գլխավոր թարգման գրան առանձին և արգիւնատոր ջանադրութեամբ ի կարևոր և յօգտակարագոյն գործս պետութեան եցոյց ի բարիօք ծառայութեան օգոստափառ կայսեր մերում: Տայր ինձ միշտ զկարևոր խորհուրդս փասն քաղաքացն եղելոց յայն կոյս Դանուբայ և դամբաւան, զորս առնոյր յայնմ կողմանէ: Ոչ շատ համարեալ այս օրինակ յատուկ ծառայութիւնան ետ ես զմեծամեծ նպաստս երկրին Վալաքիոյ ամենահարկատոր ի վտանգաւորագոյն ժամանակի առ հոգալոյ զպիտոյս զօրաց կայսեր: Ես պարտ առնին վարկայ ծանուցանել կայսեր և զծառայութիւնան և զանձնանուիրումն և զարժանատորութիւն նորա: Սակայն բաց այսմանէ պարտապան եմ յանձն առնել զնա առանձնական պաշտպանութեան և պատուոյ ամենայն զինուորական և (սիվիլ) մեծատորաց, այնպէս և կառավարութեան այսր երկրի, որոյ փասն ետու զայս վկայագիր կնքով և ստորագրութեամբ իմով ի 12 մարտի 1810 Պուքրեշտ:

Օգոստափառ կայսեր իմոյ և ամենողորմ թագաւորի կեներալ ինֆանտերի սպարապետ զօրացն եղելոց ի Մոլդաւիա ի Վալաքիա ի Պեսարապիա և բնդ աջմէ Դանուբայ գլուխ Կվարգիյնի եկրը գնդի Ասպետ սրբոյն Անդրեյի, Սրբոյն Աղեքսանդրի Նեադոյ, սրբոյն Գէորգեայ Բ, սրբոյն Վլադիմիրայ Ա, սրբոյն Աննայի Ա, և սրբոյն Յովհաննու Երուսաղէմացոյ, Մարի թերեղայոյ գերմանացոյ, Ասպետ Սեաւ և կամիր արծուեաց բրուսաց և սրբոյն Մօրեսայ և սրբոյն Ղազարայ Մարգենիոյ քնեալ

ՊԱՔՐԱԹԻՕՆ՝,

¹ Հայկական ՍՍԽ Պետական Մատենադարան, Արխիվային Դասին, Մսերյանների արխիվ, թղթ. № 209, վավ. № 2113:

1810 թվականի հունվարին, Բագրատիոնին այլ աշխատանքի փոխադրելուց հետո, նրան փոխարինում է Ն. Մ. Կամենսկին, որը ծանոթանալով Մանուկ-բեյին, սերտ բարեկամական հարաբերություններ է ստեղծում նրա հետ: Ռուսչուկի և Շումլայի կոնֆլեկտի ժամանակ Կամենսկին իր մոտ է հրավիրում Մանուկ-բեյին և ուղարկում ռուսական բանակի պաշարած Ռուսչուկ քաղաքում թյուրքական հրամանատարություն հետ բանակցելու՝ քաղաքը ռուսներին հանձնելու համար: Մանուկ-բեյը վարում է այդ բանակցությունը Ռուսչուկի թյուրքական բանակի հրամանատարություն հետ և համոզում նրանց՝ հանձնելու քաղաքը ռուսական բանակին: Այդ առթիվ կարեոր է 1810 թվականի հունիսի 9-ի Շումլայի և Սիլիսթրի ճանապարհից գրած Կամենսկու նամակը Մանուկ-բեյին, ուր նա վկայում է, որ Մանուկ-բեյը մեծ ծառայություններ է մատուցել Ռուսաստանին և շարունակում է իր այդ ծառայությունները, որի համար կայսրը նրան արժանացրել է Ս. Վլադիմիր 3-րդ աստիճանի շքանշանի: Նամակում Կամենսկին Մանուկ-բեյին գրում է. «Նամակ սպարապետին ռուսաց կրաֆ Քամենց-քեայ առ Մանուկ-բեյ»:

Տեր իմ. Ջջանադրութիւն Ձեր ծառայութեան ի գործս կայսեր մերոյ ճանաչելով յայնց ապացուցութեանց զորս անընդհատ շարունակէք, խնդագին պարտաւորութիւն ինձ համարեցայ ծանուցանելով նորին Գայսերական Մեծութեան խնդրել զնշան ինչ շնորհակալութեան նորա յաղաքս ձեր: Ըստ խնդրանաց իմոց օգոստափառ կայսրն մեր բարեհաճեց ամենողորմածաբար տալ Ձեզ զնշան Գ, զաստիճանի ասպետութեան սրբոյն Վլադիմիրոյ: Ընկալջիք դուք զայն նշան ի կեներալ մայօր Էնկելհարթայ՝ որում առաքեմս: Յառաջնմէ իսկ հաւատացեալ եմ, զի այս նշան ոգորմութեան կայսեր մերոյ ի վերա ձեր ունի առաւել ուլ փութաջան սէր Ձեր առ Ռուսսիա:

Արդարեւ զուարճութիւն է ինձ շնորհավորել Ձեզ զայս, և սովին ցուցանել Ձեզ զհաւաստիս սէրոյ իմոյ առ Ձեզ: Ոչ նուազ քան զայս զուարճացայաց եթէ զհետ այսորիկ և զայլ նորագոյնսն կցորդել կարիցեմ և ցանկամ դէպ օամու կատարմանն:

Պատիւ ունիմ առանձին մեծաբանօք

Տէր իմ

ամենախոնարհ և հպատակ ծառայ Ձեր

ՆԻՔՕԼԱՅ ԿՐԱՅ ՔԱՄԵՆՍԿԻ:

ի կիսաճանապարհին որ ընդ մէջ

Սելեսթրիոյ և Շումլեայ.

9 յունիս 1810՝:

Ինչ խոսք, որ Բալկանների ժողովուրդների և Մանուկ-բեյի նման անձնավորությունների գործոն օգնությունը ռուսական բանակին նվաստում են ռուսական զենքի հաղթանակին և թյուրքական բանակի պարտությանը Բալկաններում:

Բալկանյան պատերազմի իրադարձությունների պատմության համար արժեքավոր վավերագիր է Էրրորդ վավերագիրը, որի հեղինակը Եաշի (Մու-

¹ Հայկական ՍՍՌ Պետական Մատենադարան, Արխիվային բաժին, Մ. Մսերյանների արխիվ, թղթ. № 209, վավ. № 2414:

դավիա) հաջորդ, հետագայում Բևսարարիայի թեմի առաջնորդ Գրիգոր արքեպիսկոպոս Հովսեփյանն է (Ջարարյան), որն այդ նամակը 1811 թվականին ուղարկել է էջմիածնի Եփրեմ կաթողիկոսին, որով ցանկացել է իրագրել դարձնել նրան այն ժամանակ հասարակական միտքը հուզող Բալիկանների քաղաքական իրադարձությունների մասին: Ի դեպ, Ի. Հովսեփյանը 18-րդ դարի վերջում ոռոս-հայ բարեկամական հարաբերությունների մեջ աչքի ընկնող դեր ունեցող Հովսեփ Արղուիթյանի զինակիցներից է (Ի. Հովսեփյանը մահացել է 1827 թվականին) և սերտ կապեր է ունեցել ոռոս հասարակական, քաղաքական, անգամ գրական շրջանների հետ: Այսպես, Մատենադարանի մի քանի վավերագրերից երևում է, որ 1825 թվականին նա Հովհաննես արքեպիսկոպոսի հետ մասնակցել է Նիկոլայ I-ի օծման հանդեսին և թագավորին այցելելու ժամանակ խնդրել նրան օգնելու՝ Հայաստանը պարսկական լծից ազատելու գործում:

Ցարական կառավարությունը Գ. Հովսեփյանին ճանաչում էր որպես Բևսարարիայի հայոց թեմի առաջնորդ և Բալիկանների հետ լավ ծանոթ ու գործունյա մի անձնավորություն:

Երբ սկսվում է Բալիկանների ոռոս-թյուրքական պատերազմը, ոռոսական կառավարությունը Գ. Հովսեփյանին ուղարկում է ռազմաճակատ, որոշ հանձնարարություններով:

1811 թվականի վերև հիշված նամակից երևում է, որ Ի. Հովսեփյանն անձամբ մասնակցել է 1810—1811 թվականների Դանուբի (Դունայի) ափերին տեղի ունեցող ոռոս-թյուրքական պատերազմին, 1810 թվականի ամռանը նա մեկնում է Դանուբ և բուլղարական Ռուսչուկ քաղաքի մոտ միանում ոռոսական բանակին: Նրա ժամանումից 15 օր հետո այդ պորամասն է եկել Դանուբի ոռոսական բանակի գլխավոր հրամանատար Նիկոլայ Միխայլովիչ Կամենսկին, որն անձամբ ընդունել է Գ. Հովսեփյանին:

Ի. Հովսեփյանն իր նամակում հանգամանորեն նկարագրում է 1810—1811 թվականների ոռոս-թյուրքական պատերազմը որպես ականատեսի և մասնակցի. եամակում առանձնապես ուշադրավ է Դանուբի ափին գտնվող բուլղարական Ռուսչուկ քաղաքի գրավման համար ոռոսների կողմից կազմակերպված գրոհների նկարագրությունը:

«Յետ արձակելոյն իմոյ զծառայական յայտարարութիւն տեառն իմոյ անցեալ յամի յունիսի 22-ին,—գրում է նա,—զկնի չորից աւուրց՝ ուղի անկայ առ քաջ զօրսն ոռոսաց, ըստ հրամանի կողմանցս եղեալ կայսերական զօրաց զօրապետ գրաֆ Կամենսկոյ: Հանդէպ Ուրուշչուդու եղեալ բանակն, յետ հնդկաասան աւուրց՝ ուր եկն և ինքն գրաֆն»¹:

Հարց է առաջ գալիս, ի՞նչ նպատակով է ոռոսական բանակ մտել Գ. Հովսեփյանը: Եւ բանակ էր մտել միայն մի նպատակով՝ թյուրքերի դեմ տարվող պայքարում օգտակար լինել ոռոսական բանակին:

Դանուբի ոռոսական բանակի ընդհանուր հրամանատար գեներալ Կամենսկին Հովսեփյանի տրամադրություն տակ է գնում 150 զինվոր, հավանաբար՝ հայեր: Եւ Հովսեփյանն իր զինվորներով, ոռոսական կողմից թիկնապահ զորամասերի հետ, առաջ է շարժվում ու ամեն կերպ աշխա-

¹ Հայկական ՍՍՌ Պետական Մատենադարան, Արխիվային բաժին, Կաթողիկոսական գիվան, թղթ. № 22ր, վալ. № 33:

տու՝ է ուղատագրված վայրերի քրիստոնյա ժողովուրդներին, հատկապես հայերին, խորհուրդ տալ ոուսաց հովանավորության տակ մտնելու և օգնելու ոուսական զորամասերին՝ թյուրքերի դեմ մղվող այդ պատերազմում:

Դ. Հովսեփյանը և նրա զինվորները մասնակցել են Ռուսչուկ քաղաքի Պրավման համար մղված ճակատամարտերին, որոնք տեղի են մի քանի շաբաթ, քաղաքը զերծվել է կատաղի կռիվներից հետո:

Այդ ութթիվ նա գրում է. «Վասնորոյ պատրաստեալ կազմեաց զզօրս իւր ամենայն պատրաստութեամբ, նոյն ամսոյ 21, որ ի լուսանալ աւուր ըկրորդի շտուրմայիւ չմտցեն ի քաղաքն և սրոյն մատնեացեն զամենայն հակառակորդս, ուստի ըստանեաց զօրս իւր ի չորս գունտս, և կարգեաց ի վերայ չորից կողմանցն քաղաքի, և ինձ ևս հրամայեաց ընդ յետի թիքնապահ գնտոյն, մտնել ի քաղաքն և պաշտպանել հասարակօրեն զքրիստոնէայս, վասնորոյ և յատկացոյց ինձ ի նոյն յառաջարկութիւն հարիւր և հիսուն զօրականս...»¹:

Ռուսչուկը հանդիսանում էր միջին Դանուբի երկրամասի բանալին, այդ պատճառով թյուրքերը ռազմական մեծ ուժեր էին կենտրոնացրել այդտեղ և ընդամենով ամբողջուններ կառուցել ուսաներին զիմադրելու համար:

Ռուսական զորամասերն անընդհատ գրոհում էին Ռուսչուկի վրա, իսկ թյուրքերը կատաղի զիմադրում էին նրանց և ամեն կերպ աշխատում իրենց ձեռքը պահել այդ քաղաքը:

Այս մարտերում իր զինվորներով մասնակցել է նաև Գ. Հովսեփյանը: Ռուսչուկի գրոհներից մեկում, ինչպես երևում է, Հովսեփյանը թեթև վիրավորվում է: Եններալի կարգադրությամբ նրան անմիջապես բուժաօգնություն տեղափոխում: Այդտեղ նրան և մյուս վիրավորներին այցելության է գալիս անձամբ ինքը՝ զլխավոր հրամանատար Կամենսկին, որը վերին աստիճանի հողատար վերաբերմունք է ցույց տալիս դեպի վիրավորները, քաջալերում է Գրիգոր Հովսեփյանին և նրա մատուցած լավագույն ծառայությունների համար արժանի հատուցում է խոստանում նրան և այդ կռիվների մասնակցած հայերին:

Այդ մասին Գ. Հովսեփյանը գրում է. «...ի նմին պահու լուայ զճայթոց մի ընդ զլխովս ձախակողմեան, որ անկայ ի գետին անշունչ, և եներալին հրաման տուեալ, թողուլ զինքն և զիս բառնալ և տանել ի ապահով տեղի մի և ապա գալ և զինքն առնուլ... Եւ եներալին անդր հասեալ արձակեաց սերժանթ մի առ կառնին որ բերեալ բարձին զմեզ և տարին ի մեծ բանակն, ուր իսկոյն եկն ի տես պայծառ գրաֆն և յուսադրութեամբ քաջալերէր, և զմեծամեծս խոստանայր ինձ և ազգին իմոյ, վասն այսքան խնամեմատ անձնադիր ծառայութեան իմոյ, յօգուտ ազգին և ի հարազատութիւն Դայսեր»:

Ռուսական քաջարի զորքերը շարունակում են իրենց գրոհները պաշարված Ռուսչուկ քաղաքի բերդի վրա, զրկում են նրանց բոլոր տեսակի մտաւարարումներից: Թյուրքերը վերջապես ծունկի են գալիս ոուսական

¹ Հայկական ՍՍԽ Պետական Մատենադարան, Արխիվային բաժին, Կաթողիկոսական գիմն, թղթ. № 22 բ, գալ. № 33:

² Նույն վավերագիրը:

ուժի առաջ և անձնատուր լինում: 1810 թվականի սեպտեմբերի 15-ը Ռուսչուկը հանձնվում է ռուսական զորքերի գլխավոր հրամանատարությանը: Ռուսական զորքերի հետ Ռուսչուկ է մտնում Գրիգոր Հովսեփյանն իր դինվորներով և այստեղ հանդիպում Մանուկ-բեյին, որը ինչպես նշեցինք վերևում, գնացել էր թյուրքերի հետ բանակցելու ռուսներին քաղաքը հանձնելու համար: Ռուսչուկը գրավելուց հետո ռուսական բանակի գլխավոր հրամանատարությունն այդ պատերազմում ռուսական բանակին մատուցած ծառայությունների համար՝ Նաչի, Պոթիշանի և Ռուսչուկ քաղաքների հայ քահանաներին պարգևատրում է խաչերով, իսկ մի աշխարհականի՝ ոսկե մեդալով:

Այդ մասին նա գրում է. «Ես մեծապես շնորհակալություն ունիմ ի նորին Պաշտոնաթևին, զի ի ձեռն նորա ընկալայ ի նորին Կայսերական Մեծություն, վասն երեք ավագ քահանայիցս խաչ, Նաչու Տեր Մարկոսին, Փոթիշանու Տեր Առաքելին և Ուրուշչուքու Տեր Օհաննէսին, և իմ ընդհանրական վերի, Ձերդ հարազատ Մարտիրոս Հաջիգղեանին, ոսկե մեդալ մեծի վերայ կապոյտ լենթայի, որ փառաւորեալ է ի մէջ ամենայն այլազգեաց»¹:

Ռուսչուկի գրավումից առաջ, Գ. Հովսեփյանը ռուսաց կայսրի կողմից պարգևատրվում է Ս. Աննայի երկրորդ աստիճանի շքանշանով: Ի դեպ, հայ զորավարներից Շումլայի, Ռուսչուկի և այլ քաղաքների գրավման ժամանակ ռազմական բոլոր գործողություններին մասնակցել է մայոր (հետագայում գեներալ) Վ. Գ. Մադաթովը, որը ցուցարկերով ռազմական տաղանդ և քաջություն այդ պատերազմում, բարձրացել է փոխ գնդապետի աստիճանի:

Բացի Դանուբի 1810—1811 թվականների ռուս-թյուրքական պատերազմից, հիշյալ վավերագրերում հիշատակվել են կա նաև ռուս մեծ զորավար Կուտուզովին 1811 թվականին Դանուբի ռուսական բանակի գլխավոր հրամանատար նշանակելու մասին, որին Բ. Հովսեփյանը համարում է հայ ժողովրդի բարերար, նկատի ունենալով Կուտուզովի կատարած կարևոր դերը՝ հայ-ռուս բարեկամական հարաբերություններում:

Այդ մասին նա գրում է. «Յուրմար ամսեանն պաշտոն գրաֆ Կամինցկին ծանր հիւանդացեալ և մինչև ցմահ կղեալ, արձակեցաւ ի պաշտօնէ և փոխանակ նորա կարգուեցաւ Գլենիշչի Կուտուզովն՝ հին ծանօթ և բարեկամ մեր, որ առաջին պատերազմին, ի ժամանակս քնեալ Պոտեմկինի գոմենտանթն էր Իսմայիլու և մեծ բարերարութիւն ցուցեալ հայոց միջնորդութեամբ լուսահոգի տեսանալով»:

Անհրաժեշտ է նշել, որ 18-րդ դարի վերջին քառորդում ռուս հոչակավոր զորավարներ՝ Սուվորովը և Կուտուզովը ցուցարկերի են բացարձակ ուշադրություն Ռուսաստանում գտնված հայ համայնքների նկատմամբ, համայնքներ, որոնք հետագայում մեծ դեր խաղացին ինչպես հայ-ռուսական բարեկամության ամրապնդման, այնպես էլ հայ ժողովրդի կուլտուր-լուսավորական գործում:

¹ Հայկական ՍՍՌ Պետական Մատենադարան, Արխիվային բաժին, Կաթողիկոսական գրվան, թղթ. № 22, վավ. № 33:

² Նույն վավերագիրը:

Նամակի վերջում նա ավելացնում է. «Այժմ թէպէտ ընդ մեր կայս-
րութեան խաղաղ երևին, ապա բանքն պղտորեալ ցուցանէ...»¹.

Բրոք, այդ ժամանակ Եւրոպայում անհանգստություն էր տիրում։
Նապոլեոնը նախապատրաստւում էր Ռուսաստանի վրա հարձակւելու հա-
մար։ Ռուսաստանը շտապում էր ամրապնդել թշուրքիայի դեմ մղվող պա-
տերազմը, որը ձգձգւում էր։ Բալկանյան պատերազմը արագ և հաջողու-
թյամբ ամրապնդեց ոռոս մեծ զորավար Կուտուզովը 1811 թվականին Դա-
նուբի ոռոսական բանակի գլխավոր հրամանատար նշանակւելուց հետո։
Կուտուզովը թողեց Ռուսչուկ քաղաքը և անցավ Դանուբի մյուս ափը, հան-
կարծակիի բերեց թշուրքական բանակին և անասելի ջարդ տւեց թշուր-
քական բանակին, որը հետապնդում էր Կուտուզովին։ Պարտւեց թշուրքիան,
որից հետո թշուրքական հրամանատարությունը հաշտություն խնդրեց
Ռուսաստանից։

¹ Հայկական ՍՍՌ Պետական Մատենադարան, Արխիվային բաժին, Կաթողիկո-
սական դիվան, թղթ. № 22բ, վավ. № 33։